

CASVS II.

DE

AFFECTIONE HYPOCHONDRIACA
ET MELANCHOLICA.

MONSIEVR!

LA réputation que votre grande pratique & vos doctes ouvrages vous ont acquise, est parvenue jusqu'ici à tel point j'y ai recours quoi qu'inconnu come à celui qui doit donner la guérison à mon fils qui est incommodé come Monsieur verra par le cas joint, que je le prie d'examiner attentivement, & résoudre specifiquement tant pour les remédes, que pour la manière de les changer, de prendre l'air, & quel régime de vie il faut garder, celui qui aura l'honneur de vous remettre la présente aura celui de vous payer votre honoraire, ou si elle vous est rendue par la poste, il y aura une adresse. En tout cas la mienne est à Mr. le Conseiller D. par Francfort & Liège à Malmedy, & si vos avis réussissent come je l'espère outre votre honoraire, je me ferai un devoir de vous témoigner ma reconnoissance; en attendant j'ai l'honneur de me dire

MONSIEUR,

Malmedy 5. Avril

1730.

Votre très'humble & très obéissant
Serviteur

J. D.

Jecrains une Atrophie où une hydropisie. le malade attend
votre résolution come une décision de son sort.

Historia

Historia morbi.

JUvenis est XXII. annorum, cui a quatuor jam annis & amplius stomachus est debilis. Verum a novem aut decem jam mensibus, stomachi ac primarum viarum se manifestarunt symptomata, ita ut a pastu superveniant illi stomachi gravitas & angustia & cordis palpitationes, quæ non cessant nisi duabus aut tribus equidem quatuor & quinque a pastu horis, tum flatibus replentur intestina, quandoque est vertiginosus, ordinario tristis & melancholicus, ita ut dum adsunt istæ angustia, nec verba, nec consortia sufferre possit, visus sit debilis & quod magis funestum alvus ad tres vel quatuor dies constipatur, valde emaciatur, genua flaccescunt, & viribus privatur. Interim superveniunt dies quibus prædictæ stomachi angustia cessant, tum etiam melancholia cessat & est hilaris ac quasi sanus, appetitus semper constat & sunt dies quibus comedit, gravatur tamen semper stomachus, sunt autem quibus comedere non audet, quia uti dicit, redeunt & augentur angustia ac stomachi gravitas, urinæ quandoque rubræ, turbidæ, cum sedimento lateritio, quandoque crudæ aqueæ, quandoque citrinæ. Ad prædictum morbum, qui a Medicis affectio hypochondriaca dicitur, debellandum, iam a quatuor mensibus præscripta ipsi fuerunt primo 1) decocta splenica laxativa tum 2) martialia, in infuso, cum cremore tartari & herbis amaris, 3) in forma electuarii sumptis intervallatim pilulis ex gummatibus cum trochiscis alhandal aquatis. Diætamque servavit, nil comedendo, nisi facile digestibilia. Interim hæc nihil proficiunt remanentque prædicta stomachi symptomata, magisque emaciatur corpus, nec alvus nisi, arte laxatur, magisque melancholicus ac morosus fit, nulla est febris, dormit de nocte.

CONSILIVM.

TRadita mihi est cum litteris historia, quam consultissimus vir ad me misit, rogans simul, ut meum de morbi genere iudicium cum consilio medico, quamprimum fieri posset, redderem

rem. Cui desiderio ego lubens annuens, casum iterato perlegi, eodemque probe pensitato, intellexi, juvenem, de quo sermo est, passione hypochondriaca, spasmodico-flatulenta, simulque melancholica affligi. Sedes huius tam gravis mali in ventriculo potissimum & canale intestinorum quaerenda. Ventriculus quippe repletus est flatibus multis, ex prava digestionem & inde oriundis crudis acidis & viscidis succis, prognatis. Intestina autem, praesertim inferiora, atrocibus stringuntur spasmis, ut nec flatus, nec excrementa, rite transmittantur & egerantur. Vnde postea alvus obliviscitur officii & flatus retrocedunt ad superiora ipsumque stomachum, eundem distendunt nimium, diaphragmatis descensum impediunt & sanguinem sursum maximeque ad caput agunt & congerunt. Atque hinc repetenda origo omnium adeo infestorum symptomatum, anxietatis praecordiorum, doloris constrictorii in pectore, capitis & oculorum, vertiginosae perturbationis, cordis palpitationis, respirationis difficilioris, angoris, metus & inquietudinis animi. Quae vero antecedentes externae morbi fuerint causae, in ejusdem descriptione est quidem omissum; interim tamen multiplici confirmatum habeo experientia, in ejusmodi aegris, aut nativam quandam debilem cum exquisitiori sensu dispositionem, a parentibus hypochondriacis, maximeque matre hysterica, acceptam, aut febrem intermittentem cito nimis praepostere suppressam, aut graviora animi pathemata, aut etiam nimia & intempestiva veneris exercitia, ut plurimum fuisse accusanda. Sed quaecunque ex his praecesserint causae; jam curatio eo unice erit dirigenda: quo primae viæ a crudorum succorum sentina & acido-viscida colluvie liberentur, tonus ventriculi & intestinorum cum inde pendente digestionem firmetur, flatus infesti discutiantur maximeque omnium alvus libera servetur & aperta. Quae cuncta, ut eo rectius perfici queant, praemittenda, nisi brevi facta fuerit, sanguinis in pede missio, ad sex vel septem uncias instituenda. Tum usurpanda medicamenta & quidem methodo hac. Initium faciendum emetico leni, uti habet formula sub littera A. quod mane sumendum & aqua tepida

(Med. Consult. 3. T.)

3

cum

cum butyro liberalius condita superbibenda, idque vomitorium dandum ter alternis diebus. Dein quotidie vesperi dimidia drachma salis aperitivi, in schedula lit. B. descripti, in aquæ puræ fontanæ unciis duodecim soluti, sumenda; mane autem alterno die pilularum balsamicarum ex præscripto formulæ sub littera C. præparatarum, septem vel novem numero, deglutiendæ. His per decem ad quatuordecim dies insistendum, simulque interea in fine prandii ad roborandum stomachum assumendæ L. guttæ elixirii, cujus præparationem docet schedula sub lit. D. Tum circumactò hoc tempore singulis diebus mane & vesperi exhibendæ spiritus nitri dulcis guttæ XX. ad XXX. ex unciis octo aquæ puræ fontanæ, tanto magis, si forsan sanguinis præsto fuerit ebullitio. Quoad vitæ victusque regimen e re erit, ut æger abstineat a potu exæstuante calido, cibis crudis, acidis maximeque e lacte paratis, ac in cœna parum capiat, ut vitet animi pathemata, meditationes impensiores, frigus, inprimis pedibus admissum, vicissim animum oblectandi occasionem captet, sæquentius inter homines amicos versetur, aërem mutet, corpus subinde motu exerceat eumque in finem iter suscipiat. Quod si autem morbus fuerit adeo rebellis, ut his penitus cedere nolit; ego longa & multiplici experientia edoctus, certius & efficacius nulum fore auxilium censeo, quam ex usu acidularum. Inter quas huic morbo quam maxime conducibiles erunt Svalbacenses, aut si forsan harum non foret copia, Spadanæ. Hæ potandæ non domi, sed optime ad scatebram, nec nimis frigidæ, sed imposita in aquam calidam lagena obturata, paulisper tepefactæ. Potatio instituenda mane, & bibendæ successive inter obambulandum duæ aut tres libræ medicæ, idque per quatuor, vel quinque hebdomades. Ante vero quam hæc per potum acidularum curatio suscipitur, die antecedente alvus subducenda per potionem laxantem, cujus formula adjecta sub lit. E. idque in medio ac finita ipsa repetendum, & præterea, quotidie quamdiu potatio durat, atque etiam aliquamdiu post eam, prandio finito, sumenda dosis elixirii stomachici, supra laudati.

Quæ

Quæ omnia, si ex præscripto rite servabuntur, spem ego foveo haud dubiam, ægrum inde exoptatum levamen fore expecturum & sanitatem recuperaturum. Quod, ut Deus ita omnino evenire jubeat, ex animo precor. Dab. Halæ in Saxonia d. XVIII. Aprilis anni clō Io cc xxx.

Lit. A,

Recipe radicis hypecuanhæ grana XXIV. tartari vitriolati, nitri depurati, salis tartari ana grana quatuor. M. f. pulvis, D. pro una dosi ad vomitum.

Lit. B.

Recipe nitri purissimi, arcani duplicati, lapidum cancrorum ana unciam semis, terræ foliatæ tartari drachmas duas. M. f. pulvis; D. S. Sal aperitivum.

Lit. C.

Recipe gummi ammoniaci, extracti centaurii minoris, rhabarbari, hellebori nigri, limaturæ martis, cinnabaris rite paratæ ana drachmam, extracti croci drachmam semis. M. f. l. a. pilulæ ex scrupulo no. XX. D.

Lit. D.

Recipe essentia gentianæ rubræ, corticum aurantiorum, chaccarillæ, tincturæ tartari ana unciam semis, spiritus salis ammoniaci drachmas duas. M. D.

Lit. E.

Recipe manna electæ unciam, rhabarbari drachmam semis, terræ foliatæ tartari, nitri puri ana grana XIII. coque & solve leni calore in aquæ veronicæ uncis sex; colaturæ adde olei de cedro guttas IV. M. D.

CAS III.